



UNIVERSITÄTS-
BIBLIOTHEK
PADERBORN

Stavrologia Coloniensis

Gelenius, Aegidius

[Coloniae Agrippinae?], [ca. 1636]

XLI. † Cranebvirgica.

[urn:nbn:de:hbz:466:1-64564](https://nbn-resolving.org/urn:nbn:de:hbz:466:1-64564)

quæ Theoderico de Bortscheidt, &c.
Deum exoret. Literæ quatuor muniun-
tur sigillis, quorum est præcipuum Re-
uerendissimi Principis Iacobi Episcopi
& Comitis Cameracensis, Præpositi
Bonnensis, vti Archidiaconi.

XLI. ✠

CRANEBURGICA.

ANno Domini, post millesimum
ducentesimum octuagesimo, iux-
ta vetus Craneburgense oppidum, res
in paucis memorabilis accidit. Subur-
bani prædij Nienhoff dicti incola, o-
uium Pastor, Paschali tempore synaxim
ex manibus Henrici de Geldria, Crane-
burgensis parochi sumpsit, quam pala-
to adhærentem, cum deglutire non
posset, in saltu Imperiali vulgo *Reichs-
waldt*, vbi pecudes pascebat, arborem
conscendens, inter duorum ramorum
furcam, ore exemptam deposuit, & ad
ouium curam reuertit. Sed mox con-
scientiæ arctatus angustiis, rem totam
Domino Henrico Parocho, è cuius ma-
nibus sacram hostiam sumplerat, pate-
fecit.

E

fecit.

fecit. Hic cum Pyxide Eucharistica, Pastore ducente, saltum adiit, vterque arborem conscendit, vterque etiam sacram hostiam videt. Sed cum Parochus illi apprehendendæ manûs admouet, oculos subito, manusq; elabitur, atque arbori immersa insidet. Territus Spectaculo Sacerdos, atque ex arbore in terram se demittens, pronus quanta potest animi contentione Deum orat, obtestaturq; , vt quo tantæ rei vergat exitus, ante doceat, quam vitâ ignarum auocet. Manet interea negotij totius secretum, penes duos solum Pastores, hunc hominum, illum pecudum, donec post viginti & octo annorum decursum Henricus Parochus, quendam Geldriæ Ducis Ministrum, obsecrat, sibi vt arborem aliquam, ad instans Dominicæ Natiuitatis festum ne neget. Annus agebatur millesimus trecentessimus vicesimus & nonus, cum pro impetrata arbore amputanda & auhenda, Meiericum nomine, Ecclesiæ Craneburgensis ædituum mittit. Ille rei licet ignarus, arborem hanc offendit, & securi admota amputat. Quandoquidem verò magna
 im-

1329.

im-

in primis esset, altera tantum arboris
 pars, in festis Natalitiis absorpta est,
 altera verò pars reliqua, cum in Mini-
 strorum Ecclesie vsum tempore Pascha-
 li in sumenda flammis destinaretur, fe-
 riâ quartâ, quæ à Palmis dictam præce-
 dit diem Dominicam, Meiericus trun-
 cum findens, ex ipsa arboris medulla
 excutit atq; effundit Crucem, in quam
 Sacramenti species erant mutatae. Nul-
 lo artificis instrumento, sed miraculoso
 Dei opere, inclinatum caput, & exten-
 sa brachia, ac sibi mutuo incumbentes
 pedes, clauo transfixi conspiciuntur.
 Postquam vno vertente anno, plu-
 rimis hæc Crux miraculis inclarui-
 set, eleuata est, atque annua supplica-
 tione Cruci huic honorandæ indictâ,
 hominum pietati vt miraculosa exposi-
 ta est. Ea supplicatio etiamnum multo-
 rum millium concursu frequentatur.
 Hæc ex Craneburgensi Archiuo, ex quo et-
 iam vidi diploma fundati Anno 1416.
 matutini Sacrificij Missæ, in quo Adol-
 phus Cluensis his vtitur verbis: In ho-
 norem Dei cœli omnipotentis, Mariæ benedictæ
 Matris eius, & S. Crucis, qua in templo nostro

Proces-
 sio an-
 nua ad
 † Cra-
 nebur-
 gensem.

quotidianis signis & miraculis claret, perpetuum matutinum Sacrum instituentes &c.

XLII. ✠

BIRCKELSDORFENSIS, prope Marcodurum.

INter Marcodurum vetus oppidum, & Birckelsdorff, habitabat Molitor, cui ut plurimum ventus nullus iniquior erat, quam qui à fortuna proueniret, adeo ut quidquid illi Molendinum adstrueret commodi, destrueret sortis aduersæ impetus. Huic equi, boues, iumenta, & quidquid longo sudore partum, breuis sæpe euertebat aut pestis, aut casus alius. Quapropter redactus ad incitas & desperationem, ad ariolos, præstigiatricesq; confugit, quorum consilio, uti sunt in Sacramenta iniuriosi, Eucharistiam subter domus suæ limen superstitiosè velut in sepulchrum deposuit. Hoc quasi pessulo obiecto sagis aditum prohibiturus, quarum impiis machinationibus, malum omne consulti præstigiatores expensum ferebant. Obsequitur pessimo consilio, si-
mula-